


Jagoda Ilicicprima rezak, Ratko, Fahrudin, bisera, Ruzdo, zeljko, ja 

pet, 13. ruj 19:27 (prije 3 dana)



Poštovani,

- Arogancija i drskost je sazvati sastanak u isto vrijeme kada je zakazana i moja književna večer koja se odvijala u isto vrijeme kad i vaš sastanak i to na drugom kraju grada. (Grbavica-hotel Evropa). Prijenos večeri je išao online a nakon književnog događaja uslijedilo je druženje s prisutnima. Ili ste mislili da se kloniram?

Na zoom sastanku sam vas obavijestila da ću biti u Sarajevu u tom terminu i dogovorili smo da u četvrtak u 11.00 sati zakažemo press konferenciju u Domu književnosti. Berina je čak i rezervirala salu. Ja sam svoje vrijeme prilagodila tome, oslobodila četvrtak ujutro za tu aktivnost a da me niste obavijestili da ista neće biti održana. Mislim da je to neviđeni presedan u dosadašnjoj praksi Društva pisaca.

- Naši odnosi su narušeni jer se kontinuirano događa da nakon sastanka na kome donesemo odluke promijenite mišljenje. Narušeni su i zbog tona i govora kojim mi se pojedini od vas obraćaju i misle da je takvo ponašanje normalno. Žalosan je da ljudi u tim godinama misle da mogu predvoditi hajku na nekoga i onda ga "jednoglasno osuđivati" jer se brani.

-Mislim da su ovogodišnji Sarajevski dani poezije ispod nivoa i to ću vam i obrazložiti. Nedostaju vam programi koji promoviraju mlađe autore. Nedostaju vam programi u kojima je zastupljena književna kritika. Sarajevski dani poezije su uvijek imali katalog u kome su kratke bio bibliografije učesnika i program. Nejasno je je li Adžović zadužen za PR ili pomaže i kako ćete ubuduće s press konferencijama?

Članovi Predsjedništva su ujedno i gosti i članovi Programskog savjeta. Ali, ponavljam po tko zna koji put, vi ste ga kreirali i vi ćete stati iza toga i pravdati sve što ste zamislili i uradili.

- Što se tiče nagrade Bosanski stećak - kako god se dogovorite.

-Što se tiče ostalih isplata- vaše odluke moraju imati uporište u skupštinskim odlukama koje su starije. Meni se nema što sviđati ili ne sviđati. Na sjednici Skupštine je odlučeno da se novac od prodaje nekretnine namjenski troši. Odobreno je pravo korištenja manipulativnih sredstava do 15 000KM maksimum, ali to smo već dobrano upolovili. (Isplata duga Mariji, putni troškovi, mjesečna plaćanja knjigovodstvu, moramo platiti advokata koga smo angažirali za odluke potrebne za Registar...) Projektna sredstva ne možemo koristiti u druge svrhe. Bliži se kraj godine i sve treba pravdati.

Što se tiče našeg budućeg rada:

U Statutu je jasno definirano tko saziva sastanke Predsjedništva pa vas molim da to pročitate.

Pravilnikom o radu Predsjedništva definirano je da se sjednice mogu održavati online. Takva je praksa bila u vrijeme predsjednika Hadžema i dobro je da postoje pisani tragovi takvih sjednica gdje jasno piše što je i kada tko rekao.

U ranijim pismima sam vas obavijestila da će ubuduće sjednice biti održavane ili putem Zoom platforme ili prepiske putem emaila. Sva naša komunikacija ubuduće će ići pismenim putem. Ukoliko imate kakav upit ili prijedlog pišite sekretarici Berini a ona će mi proslijediti.

Tako ćemo izbjeći putne troškove i neugodne susrete. Naravno, vas nitko ne sprečava da se sastajete i razgovarate, ali to su neformalni sastanci i ne podliježu pod troškovnik Društva. Pogotovo ne sastanci koji su zakazani u isto vrijeme kada predsjednica Društva ima javni nastup.

Kao čovjek, članica Društva pisaca, književnica, članica P.E.N centa mislim da je vaše ponašanje skandalozno i neprimjereno položaju na koji ste izabrani.

-Predsjednica Skupštine Naida Mujkić podnijela je ostavku. Proslijedit ću našu prepisku dopredsjedniku gospodinu Čurovcu i članovima Komisije za nadzor nad finansijskim sredstvima jer smatram da i oni moraju biti upoznati sa cijelom situacijom u Predsjedništvu.

- Moju ostavku Skupština nije prihvatila i ja je i formalno povlačim.

Jagoda Iličić

**Jagoda Ilicic**prima Muhamed, Muhamed, Fuad, Damir, Anto, Alma, ja, Fahrudin, Zeljko, Bisera, Ruzdo, Ratko, Rezak 

pet, 13. ruj 21:11 (prije 3 dana)



Poštovani gospodine Čurovac i članovi Komisije za nadzor nad finansijskim sredstvima Društva pisaca u Bosni i Hercegovini,

Nakon sjednice Skupštine na kojoj je bio očigledan razdor u Predsjedništvu, pokušali smo pronaći zajednički jezik i raditi u korist Društva.

U posljednje vrijeme članovi Predsjedništva donose odluke za koje traže moju suglasnost a koje se kose sa skupštinskim odlukama. Budući da sam jedina potpisnica u pravnom prometu Društva pisaca, moja odgovornost je velika. i mislim da sa trenutnom situacijom trebate biti upoznati i vi ali i svi članovi Društva.

-Svaki put kada su članovi Predsjedništva iskazali potrebu za sastankom budući da se spremaju Sarajevski dani poezije, skoro istog dana zakazala sam sastanak preko Zoom platforme. Odluke poput one o održavanju press konferencije 12.9. nisu realizirane iz neobjašnjenih razloga iako sam ja svoj raspored prilagodila i zadržala se dan duže u Sarajevu. Da ne govorim o sramoti koje Društvo trpi otkazivanjem rezervirane sale u Domu književnosti. Sreća pa novinari nisu pozvani.

Članovi Predsjedništva Željko Ivanković, Ruždija Adžović, Rezak Hukanović, Ratko Orozović zakazali su sastanak 11.9. u večernjim satima u hotelu Europi. Sastanku su putem telefona prisustvovala Bisera Boškailo kao i sekretarica Berina Mudžet

a Fahrudin Kućuk se prije toga oglasio putem emaila budući da u inozemstvu. **Sastanak je zakazan u isto vrijeme kada sam gostovala u Književnom kornetu koji vodi Goran Vrhunc i to na sasvim drugom kraju grada. Književna večer posvećena meni planirana je ozbiljno i nakon nje je slijedilo druženje s prisutnima. Vidjet ćete iz zapisnika da mi pripisuju "bahato ponašanje jer su imali saznanja da sam u Sarajevu a da nisam došla na sastanak".**

U prepisci koju smo vodili prije toga obavijestila sam članove Predsjedništva da ćemo sastanke ubuduće održavati online ili putem Zoom platforme kako bi o svemu postojao pisani i audio trag. Znači- bili su upoznati s mojim stavom o sastancima uživo. Statutom je određeno da sjednicu Predsjedništva saziva predsjednik Društva ili netko koga predsjednik ovlasti te je i sam čin sazivanja sastanka nelegitiman.

Razlog tog sastanka bili su, kako oni tvrde- narušeni međuljudski odnosi i odluka o visini nagrade Bosanski stećak.

- Zbog ugleda Društva pisaca i javnosti nisam imala namjeru istupati javno kako ovakvo ponašanje članova Predsjedništva zaslužuje. Sarajevski dani poezije važna su manifestacija i kontinuitet njihovog održavanja ne smije biti doveden u pitanje. Zbog toga sam progutala i svoje ponos i dostojanstvo i pokušala surađivati najbolje što umijem. Ukazivala sam članovima Programskog savjeta na to da nije u redu da su članovi Predsjedništva istovremeno i članovi Programskog savjeta kao i činjenicu da u programima nedostaju važni segmenti koji su do sada bili zastupljeni u programu. Upozorila sam ih da se drže finansijskog okvira koji imamo zahvaljujući sredstvima osiguranim putem projekata. Sredstva od prodaje nekretnine ne mogu biti korištena u ove svrhe jer je Skupština jasno odredila njihovu namjenu. Ponovila sam to u više navrata putem emaila kao i spremnost da potpišem sve što se uklapa u program i što omogućava neometano odvijanje manifestacije. Inistirala sam da članovi Programskog savjeta potpišu budžet koji će zajedno dogovoriti shodno raspoloživim sredstvima. Upozorila sam ih da planiraju sve izdatke i da će isplate biti vršene sukladno budžetu koji trebamo usvojiti na sjednici Predsjedništva. U dogovorenom roku je to uradio jedino Fahrudin Kućuk (programi za djecu). Kolegica Boškailo je uložila vrijeme i trud u izradi budžeta, dogovaranju gostiju, prostora uz veoma malu pomoć Adžovića i Hukanovića. Trenutno se ne zna ko je zadužen za PR..

Kad su trebali staviti potpis na budžet koji su, prema informacijama koje su mi prosljedili dogovorili izbila je čitava drama o čemu svjedoči prepiska koja vam, također, može biti stavljena na uvid.

Iako smo na zoom sjednici ustanovili da trenutno ne raspolažemo sa sredstvima za nagradu Bosanski stećak u visini od 10 000 KM, nakon sjednice su me počeli uvjeravati da to nismo tako rekli nego da ćemo isplatiti 5000 KM sada a ostalih 5000 KM naknadno. Na sjednici putem zoom-a sam ih pitala mogu li oni preuzeti odgovornost pronalaženja tih dodatnih 5000 KM i odgovorili su mi da ne mogu. Ne želim preuzeti odgovornost za obećanja niti stvarati dugove kad još nismo izmirili dugovanja ni svima iz ranijih godina.

Zbog ovakvog mog stava našla sam se na meti većine Predsjedništva iz koje izuzimam potpredsjednika Kućuka i kolegicu Boškailo.

Rezak Hukanović traži isplatu putnih troškova za dolazak na Skupštinu (na koju smo svi došli vlastitim sredstvima) kao i troškove za tri sjednice Predsjedništva koje ja nisam sazvala i za koje ne postoji zapisnik koji ih pravda. Za svaki dolazak u Sarajevo tim povodom Hukanović potražuje 250 KM. Inistirala sam na online sjednicama kakve su vođene i za vrijeme predsjednika Hadžema. Pravilnik o našem radu predvidio je takav rad, ali iz priloženog ćete vidjeti da se većina u Predsjedništvu odlučila vršiti pritisak da se te isplate odobre. Na sjednici Skupštine je odobreno korištenje manipulativnih sredstava maksimum do 15 000 KM, ali ona se odnose na plaćanje knjigovodstva, advokata (odluke za Registar) i ostalih neophodnih stavki koje omogućavaju neomatan rad Društva. I sama sam se odrekla putnih troškova za dolazak na Skupštinu jer mislim da nije fer da meni i Hukanoviću taj put bude plaćen a svi ostali članovi Društva dolaze o svom trošku. (postoji odluka Predsjedništva o isplati putnih troškova).

Nejasne odluke koje se donesu pa povuku stavljaju u nezavidan položaj sekretaricu Mudželet koja nam se stavila na raspolaganje.

Rezak Hukanović tvrdi da sam ja samo jedna od članova Predsjedništva i da se MORAM povinovati odlukama većine u Predsjedništvu.

Ja ne negiram da sam ja jedna od svih nas u Društvu, ali tamo gdje stoji moj potpis i u situacijama u kojima ću ja morati pravdati isplate itekako moram voditi računa o odlukama Skupštine koje su iznad odluka Predsjedništva.

O svemu ovome obavještavala sam predsjednicu Naidu Mujkić koja je 11.9 podnijela i formalnu ostavku.

Na narušene međuljudske odnose sam upozoravala i prije prošle sjednice Skupštine. Nakon sjednice Skupštine dobili smo nekoliko molbi za ispisivanje iz članstva od strane uglednih članova (Lana Bastašić, Lidija Sejdinović).

Kada sam kreirala program rada koji sam morala priložiti u "kandidaturi" imala sam viziju drugačijeg Društva.

Nekoliko puta sam na napade Hukanovića koji tvrdi da "ninam cuke i mace i ne radim ništa" odgovorila da sam ja Društvu donijela dobit od skoro pola milijuna oko kojih sada rastu zazubice mnogima i da sam pozivanjem na transparentno donošenje odluka kao i glasanjem u koje je bilo uključeno cijelo članstvo zaustavila vođenje sudskih sporova koji su Društvo vodili bankrotu i raspadu.

Tužno je da svoj rad moram dokazivati čovjeku koji do sada Društvu nije donio nikakvu dobit niti kroz projekte niti kroz angažmane, ali bi redovito naplaćivao dolasku u Sarajevo i odlučivao o tome tko koliko radi.

Uslovljavanje potpisivanja svih odluka koje donesu klasični je mobing kao i ponašanje kojim me kontinuirano drže u stanju stresa. I ja bih, kao i ostali članovi Društva, sačuvala svoj želudac, glavu i život i izmakla se izvan ovakve nedostojne rabote, ali me odgovornost primorala da i dalje vodim poslove koji me iscrpljuju kao i razgovore koji vrijeđaju moje ljudsko dostojanstvo.

Na napade i neistine ću uvijek uzvratiti.

Poštovani gospodine Čurovac, molim Vas poduzmite korake koje mislite da trebete budući da je naša Naida odstupila s položaja.

Nesretni splet okolnosti kriv je da sam ja jedini ovlašteni potpisnik Društva u pravnom prometu. Predali smo novu dokumentaciju i očekujemo upis u Registar, ali tamo će opet ovlaštene osobe biti Kučuk, Mujkić i ja. Mislim da je neophodno da budete upoznati sa svim ovim.

Srdačan pozdrav.
Jagoda Iličić

Jedan privitak • Skenirao Gmail



Muhamed Curovac

pet, 13. ruj 21:56 (prije 3 dana)



prima Jagoda, Muhamed, Fuad, Damir, Anto, Alma, ja, Fahrudin, Zeljko, Bisera, Ruzdo, Ratko, Rezak

Postovana Jagoda, zahvaljujem na ovim informacijama. Zao mi je da se nesporazumi i prepirke kumuliraju a sve na stetu ugleda i rada Društva. Ja podrzavam principijelnost i odlucnost da se radi u skladu sa odlukama organa Društva - Skupstine i Predsjedništva. Trenutno sam izvan Sarajeva i vracam se pocetkom iduce sedmici pa cemo kontaktirati i u vezi sa nastalom situacijim lpoduzeti odgovarajuće aktivnosti. Drugarski pozdrav, Muhamed Curovac



Anto Zirdum

pet, 13. ruj 22:30 (prije 3 dana)



prima Muhamed, Jagoda, Muhamed, Fuad, Damir, Alma, ja, Fahrudin, Zeljko, Bisera, Ruzdo, Ratko, Rezak

Pozdrav svima ovih dana sam malo zauzet, al tu sam Zirdum

Jedan privitak • Skenirao Gmail



Muhamed Curovac

pet, 13. ruj 22:38 (prije 3 dana)



prima Anto, Jagoda, Muhamed, Fuad, Damir, Alma, ja, Fahrudin, Zeljko, Bisera, Ruzdo, Ratko, Rezak

Moj e-mail odavno nije yahoo i molim da se ne navodi uz moje ime. Administraciji sam proslijedio moje podatke prije nekoliko mjeseci. Moj vazeci msil je: saraj.vila@gmail.com Pozdrav! M. Curovac



Boskailo Bisera

sub, 14. ruj 07:04 (prije 2 dana)



prima ja, Ruzdo, rezak, Ratko, Fahrudin, zeljko, Jagoda

Poštovani,

ishitreno je govoriti o manjkavosti programa za SADAPO. Preporučeno je da ne pozivamo pjesnike koji su bili na Sarajevskim u zadnje 3 godine. I pazili smo na to. U okviru programa smo tražili najbolje pjesnike iz Evrope, kao i iz regiona. Po jedan, ali vrijedan. Zbog troškova, najviše su zastupljeni pjesnici iz Sarajeva. Pjesnikinje su zastupljene rakoder. A mladi? Imamo dječiji program koji pokriva najmlađe. Uz to imamo i na programima mlade pjesnikinje iz udruženja: "Žena sa knjigom". Tu je 5 - 10 mladih

16. 09. 2024. 12:36

Zapisnik sa sastanka - drustvo.pisaca@gmail.com - Gmail

talentiranih pjesnikinja iz Visokog, Konjica, Mostara i td. od 16-25 godina, koje će učestvovati u Sarajevu (na večeri Sidrana) i Mostaru zajedno sa gostima iz Evrope.

Uz to nismo zaboravili ni preminule pjesnike (preminule između prošlogodišnjih i ovih Sarajevskih dana) i čija poezija će se čitati na večerima.

Molim vas, podržite ove programe i dajte svi svoj dio da se ovo završi lijepo.

S poštovanjem,

Bisera Boškailo